

Sɛwɛ ɲa Pɔli wɪla torogo KOLɔSI ca tagafɛnnɛ pe yeri Sɛwɛ wi nawa sɛnrɛ

Kolɔsi ca kɪla pye Azi tara cagbɔgɔ ko ka. Nala pilige ko na, pe maa Azi tara ti yinri Turiki tara. Pɔli wi wonlonanɲa ɲa pàa pye na yinri Epafirasi wo wɪla legilizi ɲa wɪla pye wa wi tɛgɛ. Pɔli wo jate wi sila kari wa ki ca ki ni fyew. Ɛɛn fɔ Epafirasi wo wɪla pan maga yo wi kan fɔ nagafɛnnɛ yagboyoolo pèle pan wa Kolɔsi ca na tagafɛnnɛ pe gbɔɔn na pe pinri pe nagawa sɛnrɛ ti ni. Kɪ pye ma, a Pɔli wɪ sigi sɛwɛ ɲa wi yɔnlɔgɔ mbe tagafɛnnɛ pe kotogo ki kan pe na konaa mbege yo pe kan, fɔ pe daga mbe taga nagawa sɛnrɛ kaselege woro to na, mbe je yagbogowo woro to na. Sanga ɲa ni Pɔli wɪla pye naga sɛwɛ ɲa wi yɔnlɔgi kɪla yala wi yɛn kaso. Kɪ yaa pye kɪ sɛwɛ ɲa Pɔli wɪla wi yɔnlɔgɔ ja ma pinlɛ Efezi ca tagafɛnnɛ pe woo wo naa Filemɔ woo wi ni.

Naa Pɔli wɪla pye naga sɛwɛ ɲa wi yɔnlɔgi, wɪla kɪ peli ma Yɛnɲɛlɛ li shari Kolɔsi ca tagafɛnnɛ pe kala na (1.1-14). Ko punjo na, a Pɔli wɪ si pe nawa to wi nagawa sɛnrɛ ti ni, to nda wɪla para Zhezu Kirisi wi wogo na konaa ɲga wɪla pye pe kan kɪ wogo na (1.15-2.3). Zhezu wi yɛn Yɛnɲɛlɛ li Pinambyɔ, wo wɪ yaara ti ni fuun ti da. Wi kunwɔ wa tiparaga kɪ na ko kɪ yɔn finliwɛ le woro naa Yɛnɲɛlɛ li sɔgɔwɔ.

Wa sɛwɛ wi go (2.4-25) laga ki ni, Pɔli wi yen naga nari ma yo nagawa sɛnrɛ nda ti yen na para Zhezu Sɛntanra ti wogo na, ti yen ti yɛ nagafɛnnɛ yagboyoolo pe woro ti ni. Katugu Zhufuye poro naa Girekiye pe ni, nagawa mba pe maa nari mɛrɛgɛye mbele wa yɛnɲɛlɛ na pe wogo na, naa kɛnrɛkɛnrɛ wi wogo na, naa Zhufuye fɛtiye pe wogo na, naa ɲgasegele kele yɛgɛ wogo na konaa yarifuro ti wogo na, nagafɛnnɛ yagboyoolo pe maa ki yaara ti ni fuun ti pinlɛlɛ ti yɛɛ ni.

Wa sɛwɛ wi go (3.1-4.6) laga ki ni, Pɔli wi yen na tagafɛnnɛ pe nawa tuun paa yɛgɛ ɲga na pe daga mbaa tanri, mbege ta pɛ pye nunɲba Kirisi wi ni we.

Wa sɛwɛ wi kɔsaga yeri (4.7-18), Pɔli wi yen na Kolɔsi ca tagafɛnnɛ pe shari, konaa wo jate wila sɛnpiile pele yɔnlɔgɔ wi yɛɛra kɛɛ ki ni.

Sɛwɛ wi yen ma kɔɔnlɔ yɛgɛ ɲga na

Sɛwɛ wi lɛsaga sɛnrɛ konaa sharaga 1.1-2

Yɛnɲɛlɛ yɛnrɛwɛ konaa yurugo 1.3-14

Kirisi wo naa wi tunɲgo 1.15-23

Pɔli wi tunɲgo legilizi wi kan 1.24-2.6

Yinwege ɲga ki ma ta Kirisi wi ni 2.7-23

Kɔngolo ɲgele ke yen wa mbaa ma yinwege ki piin kpoyi 3.1-4.6

Sharaga punɲgo wogo konaa duwaw sɛnrɛ 4.7-18

*Pɔli wila sɛwɛ wi torogo leelee
mbele yeri pe sharaga ye*

¹ Mi Pòli, ña Zhezu Kirisi wi pitunño ma yala Yennɛɛ li nandanwa kala li ni, konaa we sefo Timote,

² woro waa ki sɛwɛ ña wi torogi yoro mbele Yennɛɛ li leele kpoyi wa Kolosi ca ye kan. Yoro mbele ye yɛn we sefenne ma pye tagawa ni wa ye gbogolomɔ pi ni Kirisi wi ni. We To Yennɛɛ li yinme naa yeyinnye kan ye yeri.

Pòli wila Yennɛɛ li shari

³ Na we kaa Yennɛɛ li yɛnri ye kan, we maa li shari pilige pyew, lo na li yɛn we Fɔ Zhezu Kirisi wi To we;

⁴ katugu ye tagawa mba yè taga Zhezu Kirisi wi na, wòo sɛnrɛ logo konaa ndanlawa mba pi yɛn ye ni Yennɛɛ li leele kpoyi pe ni fuun pe kan pi ni.

⁵ Sentanra nda ti yɛn kaselege sɛnrɛ, na pàa ti yo ma ye kan ki konɓbannga ki na, jigi ña ti maa kaan, pàa ye pye, a yòo jɛn. Kì pye ma, ye tagawa naa ye ndanlawa pi yɛn ma ndire kan ye jigi tagasaga ko na, ko ñga ki yɛn ma tɛge ye kan wa yennɛɛ na we.

⁶ Sentanra ti yɛn na jaragi na duwaw kaan dunruya wi lagapyew, paa yɛge ñga na tigi pye wa ye sɔgɔwɔ, maga le pilige ñga ni yàa Yennɛɛ li yinme wogo ki logo ki konɓbannga ki na, maga forɔgo maga kaselege ki jɛn we.

⁷ We tunngo pyeyenle Epafirasi ña wi yɛn tagawa ni, ma we ndanla, wo wì ye naga ki sɛnrɛ ti ni. Wila tunngo piin wa ye yeri woro yonlo paa Kirisi wi tunmbyee yɛn.

⁸ Wo wì pan ma ndanlawa mba Yinnekpoyi li kan ye yeri pi senre yo ma we kan.

⁹ Ki kala na, maga ɛ pilige nga ni wè ye senre logo, we yen na Yenɲele li yenri ye kan suyi. Waa li yenri fɔ li ye nawa pi yin li nandanwa kala jenme pi ni. Li Yinnekpoyi li maa jenme naa tijinliwɛ mba fuun kaan, luu kan ye yeri.

¹⁰ Pa kona ye mbe ya mbaa tanri paa yɛɛɛ nga na we Fɔ wi yen naga jaa we, mbaa wi nandanwa kala li piin pilige pyew. Pa ye yaa la kapyere jende cenle pyew ti piin, mbaa Yenɲele li jenni mbaa kee yɛɛɛ.

¹¹ We yen na Yenɲele li yenri fɔ ye fanɲga gbogɔ ta li yawa gbɔɔ pi kala na, janɲo ye ya yaa kagala ke ni fuun ke yinri yaa ke kunni ye yɛɛ ni.

¹² Yaa we To Yenɲele li shari nayinme ni, lo na ligi pye, a yè ye tasaga ta wa yarijende ti ni, nda li tɛɛɛ li woolo pe kan wa li yanwa wunluwɔ pi ni we.

¹³ Yenɲele lo li we tile ma we wɔ wa wɔwɔ† pi yawa pi ni, mɛɛ we le wa li Pinambyɔ ɲa wùu ndanla jenɲe wi wunluwɔ pi ni.

¹⁴ Wo wì we go shɔ, a Yenɲele li we kapere ti kala yaga we na.

Kirisi wo naa wi tunɲo

¹⁵ Kirisi wo wi yen Yenɲele na lere na yan li yanlɛɛ we. Wo wi yen Pinambyɔ konɲbanɲa, wì wɛ yaraga nga fuun kì da ki na;

† 1:13 1.13: **Wɔwɔ mba senre tila yuun po pi yen Yenɲele li mbajenme we.**

¹⁶ katugu Yennɛɛ lɛ yaara ti ni fuun ti da wo fannɔa na, nda ti wa naayeri to naa nda ti yen laga tara ti ni, naa nda senwee piile pe maa yaan to naa nda paa la yaan ti ni, naa yinɔgele ngele yawa ni ke ni, naa ngele ke yen wunluwo na, naa ngele ke yen tegere na, naa ngele fannɔa yen ke yeri ke ni. Yennɛɛ lɛ ti ni fuun ti da wo fannɔa na konaa wo kan.

¹⁷ Wila pye wa na yaraga ka fa da. Wi fannɔa ko kɛ ti yaara ti ni fuun ti yen mari yee yigi wa ti censaga.

¹⁸ Wo wi yen wire ti go ye, to nda ti yen Legilizi we. Yinwefɔnɔɔ pa kɛ peli wo ni. Wo wi yen Pinambyɔ konɔbanɔa, ma pye konɔbanɔa ma yen ma yiri wa kunwo pi ni, mbe ta mbe pye kala li ni fuun li yekelewe.

¹⁹ Katugu ki Yennɛɛ li ndanla li cenlomɔ pi ni fuun pi pye wa li Pinambyɔ wi ni.

²⁰ A Yennɛɛ lɛ yere ki yerewe, mbe tanwa le dunruya wo naa li yee ni li Pinambyɔ wo fannɔa na. Yennɛɛ lɛ yeyinɔge ki le li Pinambyɔ wi kunwo wa tiparaga ki na po fannɔa na. Lɛ ko pye ma, ma tanwa le lo naa yaara ti ni fuun ti ni, laga tara na konaa wa naayeri.

²¹ Faa yoro fun yaa pye ma lali Yennɛɛ li ni, a laa ye mbenge, tipege nɔa fuun yaa pye na sonri na piin ki kala na.

²² Een fɔ koni, li Pinambyɔ wi kunwo mba wɛ ku wire ti na pi kala na, Yennɛɛ lɛ tanwa le ye ni, jango mbe ye tege li yee yee na, ye pye kpoyi, fyongɔ fu naa jeregisaga fu.

²³ Ki kala na, ye daga mbe koro wa tagawa pi ni, mbe ndire kan mbe yere jenge, jango yaga ka

ti yaraga ka mbe ye jatere wi laga jigi tagasaga nga k̄i pye ye wogo ki na, maga ɛ ye Sentanra ti logo we. Ki Sentanra to ti yen nda p̄e yari lere pyew wi kan laga dunruya wi ni. To mi P̄oli m̄i pye ti tunmbyee.

*Tunngo nga ki kan P̄oli wi yeri
wi pye Legilizi wi kan*

²⁴ Koni, mi yen na ȳoḡori j̄ol̄oḡo nga mila j̄ol̄o ye kan ki kala na. J̄ol̄oḡo nga mi yen na j̄ol̄o wa na wire ti ni, ko ki yen na nga kila la wa Kirisi wi wogo ki ni ki funngu wi wire ti kan, to ti yen Legilizi we†.

²⁵ M̄i pye Legilizi wi tunmbyee ma yala tunngo nga Yen̄ɛɛɛ li kan na yeri mbe pye ye kan ki ni. L̄igi kan na yeri ma yo mbeli sen̄ɛ ti yari mberi yon fili.

²⁶ Ko k̄or̄o wo yen ngundo na Yen̄ɛɛɛ l̄aa lara leele pe na maga ɛ wa faa we. Ɛ̄en f̄o koni, l̄uu naga mbele p̄e pye li woolo pe na;

²⁷ katugu Yen̄ɛɛɛ laa jaa mbe ki ngundo wi naga pe na, poo j̄en paa ȳeḡe nga na wi yen yarij̄en̄ge gb̄oḡo c̄enḡeɛ sanngala woolo pe s̄oḡow̄o. Ki ngundo wi na f̄o: Kirisi wi yen ye ni, wi yen na jigi kaan ye yeri f̄o ye yaa ka ye tasaga ta wa Yen̄ɛɛɛ li gb̄oḡow̄o pi ni.

²⁸ Ko Kirisi wo sen̄ɛ waa yuun leele pe ni fuun pe kan. We yen na pe ni fuun nun̄gba nun̄gba pe ȳer̄egi, n̄ɛɛ pe nari tijinliw̄e pi ni fuun ni, j̄an̄go mbe lere nun̄gba nun̄gba pyew wi naga Yen̄ɛɛɛ

† **1:24 1:24:** Ki verise na wi k̄or̄o woo na f̄o: J̄ol̄oḡo nga we daga mbe j̄ol̄o Kirisi wi kan, mi yen nala wogo j̄ol̄o wa na wire ti ni mbege yon fili wi wire ti kala na, to ti yen Legilizi we.

li na pe pye yetogowo ni wa pe gbogolomo pi ni Kirisi wi ni.

²⁹ Ko k̀i ti fannga gbogo nga Kirisi ẁi kan na yeri, mila tunngo piin ki ni na ngbeli ngbanga. Ko fannga ko ki yen na tunngo piin wa na ni.

2

¹ Yoro naa Lawodise ca fenne pe ni, naa mbele fuun pe fanla yan pe ni, mi yen na malaga gboon ngbanga ye kala na.

² Mila ko piin, jango pe kotogo ta, pe pye nungba wa ndanlawa pi ni, tijinliwe jembe pi maa tagawa mba kaan, poo ta jenge. Kiga pye ma, pa pe mbe ya mbe Yenɲele li ngundo wi jen, wo wi yen Kirisi jate we.

³ Yarijende nda fuun ti yen tijinliwe naa kajenme woro, na yinrigi wa Yenɲele li yeri, pa ti yen ma lara wa wi ni.

⁴ Mila ki yuun ye kan, jango yaga ka lere wa yaga wi ye fanla wi tijinliwe senre ni.

⁵ Ali na kaa pye mi yen ma lali ye ni wire to na, na jatere wo yen ye na. Mi yen na yogori maga yan fo ye yen ma pinle ma yeresaga ta wa ye tagawa mba ye taga Kirisi wi na pi ni.

*Yinwege nga we ta Kirisi wi yeri
ki yen ma yon fili*

⁶ K̀i pye ma, pa ye kaa yenle Zhezu Kirisi wi na paa ye Fo yen, ye gbogolo wi ni yaa tanri.

⁷ Ye ndire kan wo na, ye yere jɛŋgɛ†. Ye koro ye yɛgɛ sin wa tagawa pi ni, mbe yala sɛnrɛ nda pɛ ye naga ti ni. Yaa Yɛnɛlɛ li shari jɛŋgɛ.

⁸ Ye ye yɛɛ yingiwɛ jɛn, jaŋgo lere wa ka ka ye fanla lewee tijinliwɛ nagawa sɛnrɛ ni, nakoma mbe ye pɔŋgo sɛnwara ni, mbe yala leele pe kalɛgɛlɛ, naa dunruya wi nagawa sɛnrɛ ti ni. Tii yala Kirisi wi nagawa sɛnrɛ ti ni.

⁹ Katugu Yɛnɛlɛ li cɛnlɔmɔ pi ni fuun pi yɛn wa Kirisi wi wire ti ni.

¹⁰ Yɛ yaraga ki ni fuun ki ta, a kɪ yɔn fili wa ye gbogolomɔ pi ni wi ni. Wi yɛn yinɛgele ngele ke yɛn tegere na, naa ngele fanɛga fɛnnɛ ke ni fuun ke go na.

¹¹ Wa ye gbogolomɔ pi ni wi ni, Yɛnɛlɛ li ye kɛnrɛkɛnrɛ. Ki kɛnrɛkɛnrɛ wii pye leele keyɛn ni, ɛɛn fɔ, Kirisi wo woo wi, ki kɛnrɛkɛnrɛ wo yɛn mbe ye go shɔ kapege wire ti fanɛga ki kɛɛ†.

¹² Naa pàa ye batize, ko laga naga ma yo pàa ye pinlɛ ma ye le Kirisi wi ni ja wa fanga ki ni, a yɛ pinlɛ ma yɛn ma yiri wa kunwɔ pi ni wi ni ja; katugu yɛ taga Yɛnɛlɛ li yawa pi na, po mba pùu yɛn maa yirige wa kunwɔ pi ni we.

¹³ Faa yàa ku yinnɛ lo na ye kapere ti kala na, katugu ye sila kɛnrɛkɛnrɛ, yàa pye mbatagam-bala. ɛɛn fɔ koni, Yɛnɛlɛ li yinwege kan ye yeri naa, Kirisi wi ni, ma si we kapere ti ni fuun ti kala yaga we na.

† **2:7 2:7:** Ko kɔrɔ wo yɛn fɔ yɛgɛ nɛga na tige ma kaa ndire kan ma yere jɛŋgɛ, pa tagafɛnnɛ pe daga mbe pye ma. † **2:11 2:11:** **Pɛ kɛnrɛkɛnrɛ: Ko kɔrɔ wo yɛn fɔ pɛ pe jatere wi kanɛga ma pe yɛɛ kan Yɛnɛlɛ li yeri.**

¹⁴ Lasiri wi ngasegele ngele kàa yonlɔɔ we kala na, a waa ke jogo, a kaa wiin we ni, Yenɲele ligi sewe wi jɔɔ maa laga we na, maa kan wa tiparaga ki na.

¹⁵ Kirisi wi tiparaga ki fanɲga na, Yenɲele li yawa pi sho yinɲgele ngele teele naa fanɲga fenne ke yeri, mee ke pye weleyaraga yaraga pyew ki yege na, ma cew ta ke na.

¹⁶ Ki kala na, yaga ka ti lere wa mbe ye jeregi yaraga nga ye maa kaa naa nga ye maa woo ko kala na, nakoma feti piliye, naa yevonɲɔ, naa cenpilige wogo na.

¹⁷ Ko kagala ngele koro ke ni fuun yen paa yaara nda tila paan to yinme yen. Een fo, ti kaselege ko ki yen Kirisi we.

¹⁸ Yaga ka ye yee yaga lere wa mbe ye kan cew na ye ta, yege tonli wi la, naa wila wi yee tinrigi leele pe yege na konaa wi merege ye gbogowo pi kala na. Ki lerefo wi maa jigi wi taga yariyanra nda wi yan ti na, naa yee gbogo jaga wi senwee jatere wi kala na.

¹⁹ Wila koro mbe mara Kirisi wi na, wo na wi yen wire ti go ye. Kirisi wo fanɲga na wire ti lombondo ti baro, ma ti yee yigi jenɲe sogosara naa kapannda ti kala na, nee gbogo paa yege nga na Yenɲele li yen naga jaa.

*Mbe ku mbe yen mbe pye
yinwege na Kirisi wi ni*

²⁰ Ye pinle ma ku Kirisi wi ni, ma sho dunruya kalegele ke ni. Yinɲi na, a ye nee tanri ndee ye yen ki dunruya na wo woolo? Yinɲi na, a ye

si yenle na tanri ki ngasegele ngele ke na? Ke ngele fo:

²¹ «Maga ka nga ki sho, maga ka nga ko ka, maga ka jiri nga ko na.»

²² Ki ngasegele ke yen yaara nda leele pe maa pe yee kala yongo ti ni, ti yaa ka ko. Ki ngasegele koro naa ki nagawa senre ti ni, ti yen senwee piile woro.

²³ Kaselege ko na, ki leele paa pe maa sheri na yala pe nandanwa kagala ke ni, na pe yee tinrigi, na pe wire ti jobo jenge we, ki ngasegele ke yen tijinliwe wogolo leele pe yee na. Een fo tonli woro ke ni. Ke se ya mbe fannga ta kagala ngele ke la maa wire ti taa ke na.

3

¹ Ki kaa pye yoro naa Kirisi wi ni, ye pinle ma yen ma yiri wa kunwo pi ni, yaara nda ti wa naayeri, wa laga nga Kirisi wi yen ma cen wa Yennele li kalige kee ki na, yaa to jaa.

² Yaa jatere piin yaara nda ti wa naayeri to na, yaga kaa jatere piin dunruya woro to na.

³ Katugu ye ku dunruya yaara to yeri, ye yinwege ki yen ma lara Kirisi wi ni ja wa Yennele li ni.

⁴ Kirisi wo wi yen ye yinwege jenge ye. Na wiga ka pan mboo yee naga leele pe na sanga na ni, pa ye yaa pinle fun mbe ye yee naga wi ni, mbe pye wa wi gbogwo pi ni.

Yinwelege naa yinwefonngo senre

⁵ Ki kala na, ye ye dunruya na jogo kagala ke yaga. Ke ngele: Keenre lime, naa

fyongɔ kapyere, naa wire ti nandanwa kagala, naa jogopere naa yegembatinwe, katugu yegembatinwe senge sunmɔ pa cenle wi.

⁶ Ko kagala koro kala na Yenɲele li nanɲbanwa pi yaa gbɔn mbele pè je mbaa nuru li yeri pe na.

⁷ Pa yoro fun yàa pye na tanri ma faa, sanga ŋa ni yàa pye naga kapere ti piin we.

⁸ Eɛn fɔ koni, ye ki kagala ngele ke ni fuun ke yaga, ke ngele: Nanɲbanwa, naa kɔnrɔ taga, naa nambewe. Tɛgele, nakoma ferɛmbandawa senre ka ka yiri wa ye yɔn.

⁹ Yaga kaa finlele mbaa ye yee kaan, katugu yè ye jogo lee wo naa wi kapyere ti yaga,

¹⁰ ma jogo fɔnɲɔ le ye yee ni, ŋa wi yen na kanɲgi fɔnɲɔ suyi mbe pye Yenɲele li yanlee, lo na li yen wi Dafɔ we, janɲo ye li jen ye wali li na jenɲe.

¹¹ Kì pye ma, Zhufuye poro naa mbele pe woro Zhufuye wa si wɔ wa ni, mbele pè kenrekenre poro naa mbele pee kenrekenre wa si wɔ wa ni, sewe mbajeenle naa yan nawa cara fenne wa si wɔ wa ni, kulolo naa lesele wa si wɔ wa ni. Eɛn fɔ, Kirisi wo wi yen kala li ni fuun, wi yen pe ni fuun pe ni.

¹² Ye yen Yenɲele li leele mbele li wɔ, ma pye kpoyi, mali ndanla. Ko kì ti ye daga mbe pye leele yinriwe tafenne, naa kajenɲe pyefenne, mbaa yee tinrigi, mbe pye kapitanra ni, mbaa kagala kunni ye yee ni.

¹³ Yaa ye yee kagala kunni yee ni. Na wa kaa ki jate wa wi nawa mbe yo wà kapege pye wi na, yaa ye yee kala yari ye yee na. We Fɔ wì ye

kapere ti kala yaga ye na yεε n̄ga na, yoro fun yaa ye yεε kapere ti kala yari ma.

¹⁴ N̄ga k̄i wε ki ni fuun na, ko ki yεn ndanlawa mbe pye ye yεε s̄oḡow̄o, po pi mbe ya mbe ye p̄o ye yεε na, mbe ye gbogolom̄o pi ȳon fili.

¹⁵ Kirisi wi yeyin̄nge kila ye kotoro ti sinni. Ko yeyin̄nge ko m̄εge ni Yenn̄εle li ye yeri ye pye nun̄gba paa wire nun̄gba yεn. Ye pye kagbaraga jenfenne.

¹⁶ Ye Kirisi wi sen̄re to naa ti yarijende ti ni fuun ti yaga ti censaga ta wa ye nawa. Yaa ye yεε nari, yaa ye yεε yer̄egi Yenn̄εle li tijinliwε pi ni fuun pi ni. Yaa yuuro shoo Yenn̄εle li kan ye kotogo ki ni fuun ni, Yenn̄εle gb̄oḡoyuuro sewe wi yuuro ni, naa Yenn̄εle li s̄onm̄o yuuro ni konna Yenn̄εle kon̄o tangala yuuro ni. Yaa li shari.

¹⁷ Kala o kala yaa piin, senyoro ri o, kapyere ri o, yaa ti ni fuun ti piin we F̄o Zhezu wi m̄εge ki na, yaa Yenn̄εle na li yεn To li shari wi fan̄nga na.

Tagafenne pe tangal̄om̄o f̄onmb̄o we

¹⁸ Yoro j̄εle wele, yaa ye p̄ene pe sen̄re ti nuru; pa ki daga yaa piin ma we F̄o wi yεge na.

¹⁹ Yoro nambala wele, ye j̄εle pe daga mbe ye ndanla. Yaga ka ye nawa pi tanga pe ni.

²⁰ Yoro piile wele, yaa nuru ye sevenne pe yeri kala li ni fuun li ni, katugu ko k̄i Yenn̄εle li ndanla.

²¹ Yoro teelee wele, yaga kaa ye piile pe nawa n̄gbanni, j̄ango pe kotoro tiga ka j̄oḡo pe na.

²² Yoro kulolo wele, yaa ye tafenne mbele laga tara na pe sen̄re ti nuru kala li ni fuun ni. Yaga

kaa ki piin ma, na pe kaa ye wele we, ye kala lo mbe ta li pe ndanla. Eɛn fɔ, yaa tunngo piin nawa nungba ni, naa ye yen na we Fɔ wi gbogo ko kala na.

²³ Ye tunngo kiga pye yege o yege, yaa ki piin ye kotogo ki ni fuun ni ndɛɛ yaa ki piin we Fɔ wo kan, ye woro naga piin lere kan.

²⁴ Yege jen ye yo fɔ we Fɔ wi yaa ka korogo kan ye yeri, ki pye ye tonli. Katugu Nagafɔ jenne ɲa yaa tunngo piin wi kan, wo wi yen Kiri si we.

²⁵ Eɛn fɔ, lere ɲa wila kambasinnye ki piin, wi yaa ka tonli ta mbe yala wi kambasinnye ɲa wi pye ki ni, katugu Yennele laa lere wo lere ni.

4

¹ Yoro kulolo tafenne wele, ɲa ki sin ma daga pyewe ni, yaa ko piin ye kulolo pe kan. Yege jen ye yo fɔ Tafɔ yen yoro fun ye go na wa yennele na.

Yerewe senre

² Yaa Yennele li yenri suyi, ye koro yenmbele Yennele yenrewe pi na, yaa Yennele li shari.

³ Yaa yenri we kan fun, jango Yennele li kono yenge we kan, we ya waa li senre ti yuun leele pe kan, mbaa Kiri si wi ɲgundo senre ti yari pe kan. Ko ɲgundo senre to kala na koni mi yen laga kaso.

⁴ Yaa yenri, jango mbaa ti yuun mbaa ti finligi leele pe kan, paa yege ɲa na mi daga mbege pye we.

⁵ Mbele pe woro tagafenne, yaa tanri tijinliwe ni pe kanngɔlo. Yaga wagati jenne ɲa fuun ta, ye tunngo jenge pye wi ni.

⁶ Ye yɔn sɛnrɛ ti daga mbe tanla, mbe pye tonli ni pilige pyew. Ye daga mbaa lere nunɔba nunɔba pyew wi yɔn sogo jɛnɔɛ yɛɛɛ nɔa na, mbege jɛn.

Sharaga punɔo wogo

⁷ We sefo Tishiki nɔa wi yɛn ma we ndanla jɛnɔɛ, wo nɔa wi yɛn na tunɔo pyeyɛnlɛ wa we Fo wi tunɔo ki ni, ma pye we Fo wi tunmbyee nɔa wi yɛn tagawa ni, wo wi yaa sanla sɛnrɛ yo mbe ye kan.

⁸ Mila wi tunnu wa ye yeri nɔa na, ko ki yɛn fo wi sa we kagala ke yo wi ye kan, wi kotogo kan ye yeri.

⁹ We sefo Onesimu nɔa wi we ndanla jɛnɔɛ ma pye tagawa ni, mɔu pinlɛ wi ni. Wi yɛn ye tara woo wa. Poro pe yaa nɔa kila piin laga ki yɛɛɛ yo mbe ye kan.

¹⁰ Arisitariki, na kaso pyeyɛnlɛ wɔ ye shari, naa Mariki ni, Barinabasi wi naa we. Wo mila keli maa sɛnrɛ yo ma ye kan we. Na wiga pan wa ye yeri, yoo yigi jɛnɔɛ.

¹¹ Zhezu nɔa pe yinri Zhusitusi wɔ ye shari fun. Ki leele taanri mbele poro pe yɛn Zhufuye mbele pɛ taga Zhezu wi na we, poro cɛ paa tunɔo piin na ni Yɛnɔɛlɛ li wunluwo wogo ki na. Pɛ kotogo le na ni fo jɛnɔɛ.

¹² Epafirasi nɔa wi yɛn ye tara woo wa, wɔ ye shari. Wi yɛn Zhezu Kirisi wi tunmbyee. Wi yɛn ma bala na yɛnri ye kan suyɛ, jango ye yere jɛnɔɛ, ye tagawa pi pi yɛɛ yɔn fili, ye Yɛnɔɛlɛ li nandanwa kala li jɛn yeli yɔn fili.

¹³ Mbe ya mbege sereya ŋa wi yo wi kanŋɔɔ fo ye kala li yen ma gbɔgo wi yeri jenge, yoro naa Lawodise ca tagafenne naa Yerapolisi ca tagafenne pe ni.

¹⁴ Luki ŋa wi yen logotoro ma we ndanla jenge, wo naa Demasi ni pè ye shari.

¹⁵ Sefenne mbele pe wa Lawodise ca, ye pe shari wa na kan, naa jɛɛ ŋa pe yinri Nefa wi ni, naa legilizi ŋa wi maa finli wa wi go wi ni.

¹⁶ Na yaga ki sewe ŋa wi kara mbe ko, yoo torogo wa Lawodise ca legilizi wi yeri, poo kara fun. Poro fun na paga sewe ŋa torogo wa ye kan, yoo kara.

¹⁷ Yege yo Arishipi wi kan fo: We Fo wi tunngo ŋa kan wi yeri, wigi yingiwe jen, wigi pye jenge wigi yon fili.

¹⁸ Mi Poli, m̀ ye shari. Ki sharaga ŋa mi kpaw kee yonlo li. Yaga ka fege ki na fo mi yen laga kaso. Yenɛɛ li yinme pi pye ye ni! Anmiina.

**Bibulu Jinmiire ni
Sénoufo, Djimini: Bibulu Jinmiire ni Bible**

copyright © 2014 Wycliffe Bible Translators, Inc.

Language: Djimini Senoufo

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 18 Apr 2025 from source
files dated 29 Jan 2022

a4863791-1c91-5f31-9a8f-034a18a2f8d8